

MENDITXIKI DOLOMITAK TRE CIME DI LAVAREDO

TESTUETA ARGAZKIAK



Mikael Arzakalaga
(Donostia-Eibar, 1957)

Egunerria, Berria eta Gara egunkarietan, Pyrenalca, Euskal Herria eta Nera aldizkarietan eta Euskadi irratian mendiarokin zerikusia duten makinak batartokutu eta kolaborazio eginditu. Euskal Herriko mendietan ez ezik, Pirinioak, Alpeak, Atlas eta Himalaiko mendietan ibilia da.

Ibilbide zirkular hau Dolomitako mendi-ibilaldi ezagunenetako bat da, eta nahitaezko geldialdia paraje hauetara hurbilduz gero. Bat-batean lurretik sortzen diren hiru haitz-puskekin topo egitearen sentsazioa ikusgarria da. Rifugio Locatellira iristean, nekea baino poza gailentzen da eta txoratuta geratzen zara haien so egitean. Tre Cime di Lavaredo Parke Naturalak maila guztietarako bidezidor eta ibilbide sare zabala du. Gainera, oso ezaguna da bere burdinbide eta eskalada-bideengatik. Rifugio Locatelli da hiru mendi ederhauen inguruan dauden ibilbide gehienen azken helburua, begiratoki nagusia baita.

Tre Cime di Lavaredoko ikuspegi zabala Rifugio Locatelli ik aliatuta





Aukerarik ezagunena eta errazena 101 bidezidorretik Rifugio Auronzotik Rifugio Locatelli-iraino ibilbide lineal bat egitea da. Hiru orduko ibilaldia da (joan-etorria), oso desnibel gutxikoa eta paisaia ederrak dituena. Zalantzarik gabe, aukera ezin hobea da denbora askorik ez duenarentzat. Ibilbide sinple hau oso ondo seinalizatuta dago eta ez du galerarik. Guk itzuli osoa egin nahi genuen eta horretarako 101 eta 105 bidezidorrak lotu genituen.

Hasierako pista, zabala eta eroso, gure norabide bera hartzen duen jendez gainezka egoten da

Rifugio Auronzoren ondoan hasiko dugu ibilbidea, 2330 metroko altueran. Dagozian argibideak jarraitu (101 bidea, Rifugio Lavaredo) eta ekialderantz egingo dugu. Hasierako pista, zabala eta eroso, gure norabide bera hartzen duen jendez gainezka egoten da. Dorreen azpitik ibiliko gara, lautadan edo oso jaitsiera txikian, eta ermita txiki baten ondotik igaroko gara (Capella degli Alpini). Pista nagusiarri jarraituko diogu dorreak pixkanaka inguratzen ditugun bitartean, ia ahaleginik egin gabe, Rifugio Lavaredora iritsi arte (2348 m).

Aterpetik bi bidezidor argi abiatzen dira aurrean dugun mendi-lepo nabarmenarentzat. Biak dira aukera onak lepo hori irabazteko, baina agian hobea da eskuinekoa hartzea, erosoagoa baita eta dorreetatik urrun dagoenez, ikuspegi hobea eskaintzen ditu. Berehalakoa 104 bidezidorrerako



Rifugio Locatelli-ira iristen

desbideratzearekin egingo dugu topo, guk, ordea, 101 bidezidoretik jarraituko dugu, eta Forcella Lavaredon (2454 m) utziko gaitu minutu gutxi batzuetan.

Rifugio Locatelli aterpera ailegatzean, makina bat turista begiratoki honetako terrazatik dauden ikuspegi paregabeek gozatzen ikusiko ditugu

Bidezidor erosotik jarraituko dugu, orain igotera zati txikiak eta jaitsiera nabarmenagoak tartekatzen dituen, Rifugio Locatelli-ko desbideratzeira iritsi arte. Nahiz eta ibilbide zirkularra ez den aterpe horretatik igarotzen, merezi du bertaraino joatea (2404 m). Bertara ailegatzean, makina bat turistabegiratoki honetako terrazatik dauden ikuspegi paregabeek gozatzen ikusiko ditugu. Aurrez aurre, Piccola (2857 m), Grande (2999 m) eta Ovest (2973 m) dorre ederrak.

Col Forcellinara iristean (2232 m), Tre Cime di Lavaredo aurpegi berri bat erakutsiko digu, aurrekoak bezain ikusgarria"

Baina Tre Cime di Lavaredoko itzulia ez da aterpe honetan amaitzen, ezta bista polit hauekin ere. Rifugio Auronzora itzultzea tokatzen da, ibilbidearen hasierara hain zuzen ere. Aterpetik abiatu eta lehenengo bidegurutzean desbideratuko gara 105 bidezidorra hartuz. Laster, bidezidorrak metro batzuk beheantz egiten du belar-zelai handi batera iritsi arte; jaitsiera nabarmenagoa duen tarte horrek zurezko koska batzuk ditu, jaitsiera errazteko. Belazera iristerakoan, bide osoko igotzerik gogorrenari aurre egingo diogu. Col Forcellinara iristean (2232 m), Tre Cime di Lavaredo aurpegi berri bat erakutsiko digu, aurrekoak bezain ikusgarria. Lepotik oso gertu, Langalm etxola dago (Maiga Langalm), ingurune ikusgarri batean taberna-jatetxe gisa funtzionatzen duena.

Mendi laku txiki batzuk ezkerera utzita, bidezidor nagusitik aurrera jarraituko dugu. Metro batzuk gehiago igo beharko ditugu Col di Mezzora iristeko (2315 m). 105. bidezidoretik jarraituko dugu eta bertatik kilometro bat pasatxo ibili beharko dugu abiapuntura itzultzeko.

AURONZO ATERPETIK:

10,2 km (luzera) 458 m (desnibela)